

新元史

第三九册

列傳第四十四

新元史卷之一百四十七

賜進士出身日講起居注官翰林院侍讀國史館纂修膠州柯劭忞撰

李守賢

穀

守正

伯溫

何實

劉亨安

世英

薛塔刺海

四家奴

高闊兒

元長

王義

奧屯世英

保和

希愷

田雄

史干

張拔都

忙古

張榮

君佐

孫威

拱

李守賢字才叔大甯義州人祖父小字放軍從金將攻

宋淮南飛石傷髀錄功賞生口七十主將分命將校殺

所掠俘口有失亡者罪死放軍當殺五百人皆縱之去放軍爲人營救亦獲免金大安初守賢暨兄庭植守忠弟守正從兄伯通伯溫降於國王木華黎朝太祖於行在卽命庭植爲龍虎衛上將軍右副元帥崇義軍節度使守賢錦州臨海軍節度觀察使守忠爲都元帥守河東守賢自錦州遷河東南路兵馬都總管太宗元年朝於和林加金紫光祿大夫知平陽府事兼本路兵馬都總管太宗南伐道平陽見田野不治以問守賢對曰民貧無耕具且流亡未復故荒田多詔給牛萬頭仍徙關中生口墾地河東三年平陽當移粟萬石輸雲中守賢

奏百姓疲敝不任輓輸帝嘉納之時河中未下守賢請自北面鑿城先登如其言城果下遂構浮橋以通來往明年濟河入潼關大破金將趙雄兵於芮城時方會師圍汴留守賢屯嵩汝二州金將完顏延壽保嵩山太平寨眾十餘萬五年正月望日延壽等擊毬爲戲不設備守賢潛遣壯士數十人緣崖蟻附以上殺其守卒遂縱兵入破之下令禁抄掠悉收餘眾以歸不兩旬連天交牙蘭若香爐諸寨皆望風俱下守賢未嘗妄殺一人藍田賊王祐聚眾據虢州南山守賢使人招之祐素憚守賢威略卽以所部降六年冬十月卒年四十六子穀嗣

九年從太師塔海紺卜伐蜀有功明年攻碉門又明年征萬州會戰於瞿塘峽獲戰艦千餘艘十三年朝行在授河東道行軍萬戶兼總管進兵攻成都由廣元出葭萌度木瓜坡宋人聞穀至潛伏以待穀諜知之令衆銜枚疾進伏兵不敢動徑克成都憲宗南伐穀造浮橋濟援兵且斷宋人往來之路會江漲浮橋斷宋將率舟師萬艘逆戰穀以所部先犯之諸軍繼進遂大捷明日帝召諸將謂曰汝輩平日自負驍勇及臨敵不能爲朕立尺寸功獨李穀摧鋒陷陣視敵蔑如言勇者如穀乃可耳賜白金二百五十兩中統三年改河東路總管佩金

虎符移京兆路加昭勇大將軍未幾轉洺磁路至元七年正月卒年四十九子惟則懷遠大將軍平陽征行萬戶

伯溫守賢從兄也兄伯通從國王木華黎討張致歿於陣伯溫行平陽元帥府事鎮青龍堡平陽陷弟守忠被執金人盡銳來攻守卒多遁去部將李成開水門導敵入伯溫登城樓謂左右曰吾兄弟受方面之寄今不幸失利當以死報國吾弟已被執我不可再辱卽拔劍驅家屬投井以刃植柱刺心而死金人登樓見伯溫抱柱目不瞑咸嗟歎之

守正質於木華黎後爲平陽守活俘虜甚衆授銀青榮祿大夫河東南路兵馬都元帥上黨晉陽合兵攻汾州將陷守正赴援衆寡不敵別遣老弱百人曳薪揚塵多張旗幟敵謂大兵至遂解去汾人持牛酒迎犒且泣謝曰幸公完是州德甚大願奉是州以從楊鐵槍旣降復叛守正擒斬之軒成據隰州與守正相拒中流矢瘡甚金大將合達復以衆來攻守正裹瘡戰歿大帥以其兄守忠代之守忠官至銀青榮祿大夫河東南路兵馬都元帥兼知平陽府事從攻益都北還部將彭智孫乘間據義州叛守忠長驅抵城下力戰克之太祖二十二年

四月金將紇石烈眞襲攻平陽行營招討使權國王按札兒屯於洪洞守忠援之師潰嬰城自守副帥夾谷常德潛開東門以納金兵城遂陷金人執守忠至汴誘使降守忠罵之金人怒置守忠鐵籠中炙死

何實字誠卿大甯人父道忠金北京留守實少孤依叔父以居家人常入卧內見一青蛇蜿蜒被中駭而視之乃實也及長通諸國譯語驍勇善騎射遠近之民慕其雄畧咸傾心歸附張鯨旣納款復以叛誅鯨弟致亦謀叛使問於實實叱之曰天命今在朔方汝等爲不軌徒自斃耳乃籍戶口一萬兵三千來歸國王木華黎與論

兵事奇變百出甚稱之引見太祖獻軍民之數帝大悅
賜鞘劍一命從木華黎充前鋒時致據錦州實與賊遇
於神水縣挺身陷陣大破之木華黎奏賜鞍馬弓矢以
功爲帳前軍馬都彈壓十二年木華黎平河北山東使
實率四千人徇曹濮恩德泰安濟甯諸州薄濰州與木
華黎會遷兵馬都鎮撫十二年從攻大同鷹門及石隰
等州引兵掠太原平陽河中京兆所向欵附木華黎錄
其功表實爲元帥左監軍木華黎卒子孛魯嗣武貴旣
降復叛據邢州實率所部圍之立雲梯先登城破貴遁
走逐北四十里斬首二百餘級實下令敢有剽掠者斬

軍中肅然。李魯命實戍邢州。撫恤凋殘。邢民敬愛之。李魯征西夏。分織匠五百戶置局課織。以實領之。太祖二十二年。賜金虎符。便宜行。元帥府事。邢州歲屢饑。請移織匠局於博州。李魯從之。憫實勞瘁。檄東平嚴實與之分治軍民。博州兵燹後。公私掃地。實以絲數印會子權行。一方民獲貿遷之利。太宗二年。收諸將金符。九年。實入覲。貢金幣紋綺三筐。次陵州。遇寇。實縱擊斃二十餘人。生擒十餘人。朝於幄殿。帝歡甚。命所獲寇勿殺。仍以賜實。是日。賜坐。與論軍中故事。良久。曰。卿效力有年。朕欲授以征行。元帥後當重任。實叩頭謝曰。臣披堅執銳。

從事鋒鏑二十餘年身被十餘創右臂不能舉已爲廢人臣不敢辱命願辭監軍之職幸得元佩金符督治工匠帝默然不悅命之射實謝不能命入宿衛密使人覘之實臂果不能舉始俞其請賜宴取金符親佩之授以漢字宣命充御用局人匠達魯花赤子孫世其官更賜白貂帽減鐵繫腰貂衣一襲弓一矢百遣歸憲宗七年卒子九人孫十七人子崇禮授應奉翰林文字同知制誥兼國史院編修官

劉亨安其先范陽人後遷遼東川州國王木華黎經略遼東其兄世英率宗人隸麾下分兵收燕趙雲朔河東

以功充行軍副總管河東被兵之後民物凋殘世英言
於木華黎曰建國以民爲本今平陽諸路遺民殆盡異
日我師復至孰給轉輸收存恤亡此其時也太華黎善
之以絳州邊地難其人授世英絳州節度使兼行帥府
事世英卒無子國王孛魯命其族兄德仁襲職金將移
刺布哈攻絳州城陷死之孛魯承制以亨安領其衆奏
賜金虎符授鎮國上將軍絳州節度使行元帥府事兼
觀察使太宗二年冬從大軍入關明年春從克鳳翔四
年從敗金人於三峯山五年從平蔡州旣而宋兵入汴
趨洛陽元帥塔察兒使亨安拒之與宋軍遇龍門北搗

戈突陣衆乘之宋師大潰追奔百餘里塔察兒拊其背曰眞驍將也延坐諸將之右勞賜甚厚八年從都元帥塔海征蜀圍成都亨安爲先鋒大破宋兵於城下生擒其將陳侍郎有喬長官與亨安爭功未幾攻城喬爲砲所傷亨安負之以出喬感愧亨安從軍十年所獲金帛悉推與將佐故士卒樂爲之用六皇后稱制二年二月卒子貞嗣職

薛塔刺海大興人太祖引兵至北口塔刺海帥所部三百餘人來歸帝命佩金符爲水軍砲手元帥屢有功進金紫光祿大夫佩虎符爲水軍砲手及諸色人匠都元

帥便宜行事從征西域俱以礮立功太宗四年從睿宗假道金房敗金兵於鈞州三峯山又從下南京取鄆陵扶溝四月卒子奪失刺襲爲都元帥畧地江淮卒於軍弟軍勝襲憲宗八年從憲宗征蜀攻苦竹崖大林平青居山破重慶馬湖天水賜白金鞍馬授武衛軍礮手元帥中統三年李壇據濟南叛又以礮克其城至元五年從圍襄陽卒丞相阿朮欲以千戶劉添攝帥府事子四家奴年方十六請從軍自効帝壯而許之八年始襲父爵十年從阿里海涯克樊城四家奴以用礮論功第一十一年從丞相伯顏渡江至郢州先登克之十二年授

武節將軍六月與宋將夏貴戰於峪溪口奪其船二百餘艘十一月屠常州十二月取平江十三年攻鎮巢進圍揚州守臣李庭芝棄城走追獲之九月進階懷遠將軍將兵徇浙東遂入福建與宋人戰於灤江破之十六年進階鎮國將軍留鎮揚州二十二年改爲萬戶卒高閼兒女直人事太祖從征西域復從閼出太子察罕那演伐宋累有功授金符總管管領山前十路工匠軍憲宗憫其老命子元長襲職元長從世祖渡江攻鄂還鎮隨州至元二年移鎮李陽堡五年從元帥阿朮建白河口新城鹿門山等處城堡圍襄樊七年充李陽軍馬

總管十年從攻樊城先登十一年從渡江與宋人戰殺
三百餘人奪其船及鎧仗以功賜虎符擢宣武將軍進
兵丁家洲敗宋將孫虎臣等奪其船及鎧仗無算又敗
夏貴於焦湖從攻常州先登又從攻杭州宋平護送宋
太后幼主至京師以功進懷遠大將軍萬戶二十一年
從鎮南王脫歡征安南追襲安南世子於海口奪其戰
艦以還二十二年進安遠大將軍李陽萬戶府萬戶是
年夏復以兵追襲安南世子於三义口中毒矢卒子滅
里干初直宿衛襲父職領兵戍廣東尋移戍惠州平譚
大獠朱珍等元貞元年移戍袁州盜蔡陀頭以衆犯境

一戰獲之尋南恩盜起復以兵殲之還卒於袁州贈懷遠大將軍李陽萬戶府萬戶輕車都尉渤海郡侯

王義字宜之真定甯晉人世業農義有膽智沉默寡言金人遷汴河朔盜起縣人推義攝縣事稱爲都統木華黎兵至城下義率衆以甯晉歸焉入覲太祖賜駿馬二匹授甯晉令兼趙州以南招撫使時亂後農皆失業所在人相食甯晉東藪澤周回百餘里中有小堡曰瀝城義曰瀝城雖小而完且有魚藕菱芡之利不可失也留偏將李直守甯晉自率衆保瀝城由是歸附者衆金將李伯祥據趙州木華黎遣義襲其城會大風雨義帥壯